

Alfredo Pichardo cu exposicion di obranan di oleo di su inspiracion

ORANJESTAD (AAN): Actualmente publico por disfruta di obranan di arte den forma di pinturanan di oleo cu a ser inspira for di fotonan saca door di e conocido Alfredo Pichardo. E ta tene su exposicion den e sala grandi di e edificio administrativo di Setar na Sero Blanco.

Manera ta conoci, Setar ta brindando ya pa basta tempo caba e espacio aki pa artistanan local cu ta desea pa publico en general por disfruta di nan.

Pichardo ya pa basta tempo ta saca fotonan artistico y e ta laga Sr. Gregorie Hackshawns pintanan pe den oleo. Hackshawns a nace na Jamaica y el a biba un temporada na Trinidad, y awor e ta residencia na Venezuela. Pa puro casualidad, Pichardo a topa cu Sr. Hackshawns na Merida, Venezuela. Unico pintor cu ta aplica alto relieve 2 y 3 dimencional.


Tur e pinturanan den e exposicion ta traha riba un composicion di marine text y fibra.

"Mi tabata cana rond hopi tempo caba cu e idea pa tene e exposicion aki, pero mi no

a haya e oportunidad te cu awor," Alfredo Pichardo a declara. "Nan ta bisami, cu no ta ami a pinta nan. Esey ta berdad, pero ta mi inspiracion nan ta. For di mi angulo artistico nan a ser saca," el a sigui bisa. Pichardo asina haya un manera pa expresa loke e ta mira den su fotonan via di un pintor pa crea obranan hopi bunita di nos paisahenan.

Alfredo Pichardo ta viaha cada vez cu su potretnan na Venezuela, unda e ta expresa su ideanan na e pintor y conhuntamente e pinturanan di oleo aki ta bira un obra. Mayororia di e cuadranan den e exposicion ta paisahenan di Aruba pero tambe tin algun di Antiyas, y otro partinan cu Pichardo a bishita y saca foto.

E exposicion lo dura te cu dia 14 di November na e edificio administrativo di Setar, y despues lo por admira e obranan na e Teleshopnan di Royal Plaza y Palm Beach e siman di 16 pa 21 di November. Tur hende ta invita pa pasa mira e obranan aki, y por yama Sr. y Sra. Pichardo, na 825088 pa mas informacion.




DR. PABLO BRICEÑO PIMENTEL

FACS-FSAGES

Cirugia de la Vesicula biliar - Reflujo Esofagico
Colon-Utero y Ovarios Asistida por Video - Laparoscopia Clinica
el Avila 6a Transversal de Altamira, Caracas Lunes,
Miercoles y Viernes de 2 a 7 p.m.
Telefonos: Clinica 261 1444 - 2618083
276 1066 - 2761076
Habitacion: 2637329
Busca persona: 731 5111 - Clave 9800
Celular: 014 - 334441

OPENING SOON



The Old Tavern

WHERE TRERE'S ALWAYS A FUN TIME

